



Broj: 01-04-8-1143/22-10

Datum: 22.12.2022. godine

Na osnovu člana 70. stav (3) i (6) i člana 72. stav (3) tačka a) Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-1143/22-9 od 22.12.2022. godine, načelnik Općine Travnik, d o n o s i

RJEŠENJE

o poništenju postupka nabavke

1. Rješenje o izboru najpovoljnijeg ponuđača za nabavku robe: Nabavka, transport i isporuka građevinskog materijala za sanaciju stambenih objekata raseljenih lica na području općine Travnik broj: 01-04-8-1143/22-4 od 12.12.2022. godine, kojim se ugovor o javnoj nabavci robe za **LOT 1 - Građevinski materijal** dodijelio ponuđaču „**Drvorez**“ d.o.o. Hadžići, se stavlja van snage.
2. Poništava se postupak nabavke robe: Nabavka, transport i isporuka građevinskog materijala za sanaciju stambenih objekata raseljenih lica na području općine Travnik - **LOT 1 - Građevinski materijal** iz razloga što su cijene svih prihvatljivih ponuda znatno veće od osiguranih sredstava.
3. Ovo Rješenje se dostavlja svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.
4. Ovo Rješenje objaviće se na web stranici ugovornog organa (www.opcinatravnik.com.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke robe – „Nabavka, transport i isporuka građevinskog materijala za sanaciju stambenih objekata raseljenih lica na području općine Travnik“ sa podjelom na 3 lota, pokrenut je Rješenjem o pokretanju postupka javne nabavke broj 01-04-8-1143/22 od 4.10.2022. godine. Javna nabavka je provedena putem otvorenog postupka. Ukupna procijenjena vrijednost javne nabavke iznosi 341.880,00 KM što predstavlja zbir vrijednosti 3 lota. Procijenjena vrijednost robe za LOT 1 iznosi 274.880,00 KM bez uračunatog PDV-a. Postupak je objavljen u Informacionom sistemu „E-nabavke“ Agencije za javne nabavke BiH, broj obavještenja: 54-1-1-112-3-106/22 od 6.10.2022. godine, Službeni glasnik BiH broj: 67/22. Rok za dostavljanje ponude bio je 28.11.2022. godine.

Na preporuku Komisije za javne nabavke broj 01-01-04-8-1143/21-4 od 9.12.2022. godine doneseno je Rješenje broj broj: 01-04-8-1143/22-4 od 12.12.2022. godine kojim je za LOT 1 izabran ponuđač „**DRVOREZ**“ d.o.o. Hadžići.

U Zapisniku o pregledu i ocjeni ponuda, (kao i u Tenderskoj dokumentaciji) utvrđeno je da izabrani ponuđač „**DRVOREZ**“ d.o.o. Hadžići dužan na adresu ugovornog organa Općina Travnik Konatur bb u roku od 5 (pet) dana od zaprimanja rješenja dostaviti originale ili ovjerene kopije dokaza o kvalifikaciji, traženih tenderskom dokumentacijom, ne starije od tri mjeseca od dana predaje ponuda, u skladu sa dostavljenom Izjavom ponuđača o ispunjenosti uslova iz člana 45. ZJN BiH. Uvidom u dokumentaciju predmetnog postupka javne nabavke utvrđeno je sljedeće činjenično stanje:

- Naprijed navedeno rješenje o izboru najpovoljnijeg ponuđača doneseno je 12.12.2022. godine

- Navedeno rješenje je svim ponuđačima koji su učestvovali u nabavci za LOT 1 putem elektronske pošte proslijeđeno dana 12.12.2022. godine (dokaz - potvrda o prijemu maila ponuđača "Almy" d.o.o. Zenica i "Pero" d.o.o. Zenica). Uvidom u inbox utvrđeno je da nije bilo oznaka "neisporučen" e-mail, dakle poruke su dostavljane na zahtijevanu e – mail adresu (drvorez01@gmail.com) odnosno nije se vratila tzv. bounced poruka sa naslovom "Undeliverable Mail" ili "Message Undeliverable" koja bi obavijestila o problemu sa dostavljanjem.
- Tačkom 5.6. TD je propisano:
Ugovorni organ je dužan donijeti odluku o izboru najpovoljnijeg ponuđača ili poništenju u postupku javne nabavke u roku važenja ponude, a najkasnije u roku od 7 dana od dana isteka važenja ponude.
Ugovorni organ je dužan da odluku o izboru najpovoljnijeg ponuđača dostavi svim ponuđačima u postupku nabavke u roku od 3 dana, a najkasnije u roku od 7 dana od dana donošenja odluke o izboru ili poništenju postupka nabavke elektronskim putem, ili putem pošte, ili neposredno.
- Uvidom u knjigu Djelovodnog protokola Općine Travnik utvrđeno je da navedeni ponuđač nije dostavio traženu dokumentaciju.
- Rok za dostavljanje tražene dokumentacije istekao je 19.12.2022. godine.

Član 72. stav (3) tačka a) ZJN propisuje da u slučaju kada najuspješniji ponuđač propusti dostaviti originale ili ovjerene kopije dokumentacije iz člana 45. U roku kojeg odredi ugovorni organ, ugovorni organ dostavlja prijedlog ugovora onom ponuđaču čija je ponuda na rang listi odmah nakon ponude najuspješnijeg ponuđača.

U postupku nabavke robe za lot 1 dostavljene su četiri prihvatljive ponude sačinjene u skladu sa uslovima iz tenderske dokumentacije.

Komisija za ovu javnu nabavku je uputila dopis broj 01-04-8-1143/22 od 21.12.2022. godine i zatražila mišljenje po pitanju obezbjeđenja dodatnih sredstava za robe iz LOT-a 1 kako bi dala preporuku za zaključenje ugovora sa drugorangiranim ponuđačem ili poništenje dijela postupka. Naime, Komisija je konstatovala da je ponuda drugorangiranog ponuđača prihvatljiva ali premašuje procijenjenu vrijednost.

Dana 21.12.2022. godine Služba za obnovu, izbjeglice, raseljena lica i stambene poslove je Komisiji za javne nabavke dostavila mišljenje broj 07-04-28-38-463/22 u kojem se navodi da nije u mogućnosti obezbijediti dodatna novčana sredstava za ugovor.

Iz gore navedenih razloga, prihvaćena je preporuka Komisije za javne nabavke, te je odlučeno kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog.

Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur



N A Č E L N I K

dr.sci. Kenan Dautović

DOSTAVLJENO:

- Ponuđačima
- Web stranica UO
- a/a